

17.10 CUNTRASTS SIN SRF 1

Far Svizzers – episodio 2



En tge mar passa l'En? Tge è la differenza tranter in referendum ed in'iniziativa? Tgenin è il pli grond lai en Svizra? Questas e sumegliantas dumondas ston candidatas e candidats per il pass svizzer responder durant l'audiziun. La seria «Far Svizzers» ha accompagnà protagonistas e protagonists da tut las quatter regiuns linguisticas tras l'entira procedura da naturalisaziun. Ella mussa il cumbat per survegnir ils documents necessaris, l'emprender ordadora nums da politichers fin tar lur grond examen. La tensiun avant e durant l'audiziun avant las autoritads communalas è per bliers strusch da supportar. La famiglia Corona-Cardoso aveva cumenzà il 2016 a rimnar ils documents necessaris per lantschar la procedura da naturalisaziun. Lura ha ina nauscha novitad dal medi franà tut d'in mument a l'auter.